



Broj: 12/08-23-16134-URŽ-3/22
Zenica, 23.02.2023. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14 i 59/22), Zapisnika o ponovnom pregledu i ocjeni ponuda, broj: 12/08-23-16134-URŽ-2/22, od 17.02.2023. godine, u ponovnom postupku nakon Rješenja URŽ-a BiH broj: broj: JN2-03-07-1-97-9/23 od 26.01.2023. godine, u otvorenom postupku javne nabavke za radove broj: 1417-1-3-82-3-58/22 od 03.11.2022. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U ponovnom postupku nakon Rješenja URŽ-a BiH broj: JN2-03-07-1-97-9/23 od 26.01.2023. godine, u otvorenom postupku javne nabavke radova – „**Izgradnja kružnog toka na spoju regionalne ceste R443 A1-Visoko-Kiseljak sa regionalnom cestom R445 Kakanj-Visoko**” broj: 1417-1-3-82-3-58/22 od 03.11.2022. godine, ponuda ponuđača „ADO-TRANS“ d.o.o. Visoko (broj G-711/22 od 29.11.2022. godine) sa ukupno ponuđenom cijenom od 527.719,08 KM (bez uračunatog PDV-a) izabrana je kao najpovoljnija.

II

Ponuđač „ADO-TRANS“ d.o.o. Visoko (ID broj: 4218057690003), adresa Donje Moštre 13, 71300 Visoko, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14 i 59/22) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14 i 59/22) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „ŠPIC BETON“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14 i 59/22), odbacuje jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14 i 59/22), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-16134/22 od 01.11.2022. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14 i 59/22).

Obavještenje o nabavci broj: 1417-1-3-82-3-58/22 objavljeno je na Portalu javnih nabavki 03.11.2022. godine.

Komisija za javne nabavke imenovana rješenjem broj: 12/08-23-16134-3/22 od 24.11.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 5 (pet) ponuda.

Prvobitno je donesena Odluka o izboru najpovoljnijeg ponuđača broj: 12/08-23-16134-7/22 od 22.12.2022. godine, na koju je izjavljena Žalba.

U postupku rješavanja po žalbi, Ured za žalbe BiH donio je Rješenje, broj: JN2-03-07-1-97-9/23 od 26.01.2023. godine, kojim je utvrdio da se usvaja žalba ponuđača „ADO-TRANS“ d.o.o. Visoko i da su osnovani žalbeni navodi, te je poništio Odluku ugovornog organa o izboru najpovoljnijeg ponuđača broj: 12/08-23-16134-7/22 od 22.12.2022 i predmet vratio na ponovni postupak.

U periodu od 06.02.2023. godine do 13.02.2023. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača ŠPIC BETON d.o.o. Zenica se odbacuje jer nije dostavljena u skladu sa uslovima iz tenderske dokumentacije.

Ponuđač ŠPIC BETON d.o.o. Zenica, dostavio je izjave iz člana 45. i člana 52. Zakona o javnim nabavkama, koje se ne odnose na predmetni postupak javne nabavke nego se odnose na postupak javne nabavke koji je objavio drugi ugovorni organ, te nisu u skladu sa tačkom 12.2.1 i tačke 13.2 tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14 i 59/22), ponuda ponuđača ŠPIC BETON d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se odbacuje jer nije dostavljena u skladu sa uslovima iz tenderske dokumentacije.

Grupa ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak, dostavila je Garanciju za ozbiljnost ponude, ali ne u skladu sa tačkom 28.1 i tačkom 28.2 tenderske dokumentacije. Garancija ponuđača nije ispravna jer iznos procijenjene vrijednosti upisan slovima ne odgovara iznosu upisanom brojevima, tako što je upisan iznos „555.555,56 KM bez PDV-a (riječima: pethiljadapedesetpetpetstotinapedesetpet i 00/KM)“.

Cijeneći ispravnost pomenute garancije, ukoliko bi se u skladu sa tačkom 19.2. TD-e ispravnom smatrala procijenjena vrijednost iskazana slovima onda izračunati procenat i iznos garancije ne odgovara iznosu koji je propisan u tački 28. Tenderske dokumentacije, a zbog čega ugovorni organ neće moći istu u propisanim slučajevima eventualno aktivirati odnosno naplatiti.

Naime, tačkom 28.2. Tenderske dokumentacije propisano je da „Forma garancije za ozbiljnost ponude propisana je tenderskom dokumentacijom – Prilog VIII tenderske dokumentacije.“, a u tački 28.3. Tenderske dokumentacije propisano je da „U slučaju da ponuđač propusti dostaviti garanciju za ozbiljnost ponude u skladu sa navedenim tačkama tenderske dokumentacije njegova ponuda će biti odbačena.“.

Dakle, Grupa ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak je postupila suprotno odredbama tačke 28.1. i 28.2. Tenderske dokumentacije.

Imajući u vidu navedeno, kao i odredbe člana 68. stav (1) i stav (4) tačka i) Zakona o javnim nabavkama BiH („Službeni glasnik BiH“ broj: 39/14 i 59/22), ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude (ponuđača „ADO-TRANS“ d.o.o. Visoko, „TRGOŠPED“ d.o.o. Kakanj i „JATA GROUP“ d.o.o. Srebrenik) ispunjavaju postavljene uslove, te se ugovorni organ u ponovnom postupku pregleda i ocjene ponuda pismeno obratio Agenciji za javne nabavke da se zakaže e-aukcija. Agencija je ponovo zakazala e-aukciju na dan 23.02.2023. godine (petak) u 13:00 sati sa dužinom trajanja od 10 minuta. E-aukcija je uspješno okončana te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„ADO-TRANS“ d.o.o. Visoko	527.719,08 KM
2.	„TRGOŠPED“ d.o.o. Kakanj	555.536,29 KM
3.	„JATA GROUP“ d.o.o. Srebrenik	730.253,82 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „ADO-TRANS“ d.o.o. Visoko.

Ugovorni organ prihvatio je preporuku Komisije za javne nabavke da se najpovoljnijem ponuđaču „ADO-TRANS“ d.o.o. Visoko dodijeli Okvirni sporazum za radove „Izgradnja kružnog toka na spoju regionalne ceste R443 A1-Visoko-Kiseljak sa regionalnom cestom R445 Kakanj-Visoko “.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14 i 59/22).

Prilozi:

- Zapisnik o pregledu i ocjeni ponuda u ponovnom postupku

Dostavljeno:

5 x svim ponuđačima,

1 x a/a

Obradio:
Emrah Žuna

Saglasan: Danijel Pašić, ministar

DIREKTOR
po ovlaštenju ministra

(Rasim Kovač)